

KOMUNA E GJILANIT



PROFILI EKONOMIK 2024

Gusht '2024

PËRMBLEDHJE - QËLLIMET E PROFILIT EKONOMIK

Ministria e Administrimit të Pushtetit Lokal ka hartuar një model të profilit ekonomik të komunave me qëllim të zhvillimit të profileve në formë të broshurave për të ngritur investimet e huaja direkte (IHD) në nivel lokal.

Ky dokument përfshinë një përshkrim të gjerë të qëllimeve dhe rezultateve të hartimit të profileve ekonomike për komuna duke synuar ngritjen e vetëdijesimit në nivel qendror dhe lokal për rëndësinë e IHD-ve.

Bazuar në Ligjin nr 03/L-40 për Vetëqeverisje Lokale, komunat kanë kompetenca të plota për strategjitë dhe planet që përkasin interesit lokal – Zhvillimin Ekonomik Lokal.

Profili Ekonomik i Komunës së Gjilanit i hartuar bazuar në modelin e pranuar nga Ministria e Administrimit të Pushtetit Lokal është një dokument informativ, i cili ka për qëllim të tërheq vëmendjen e investitorëve, duke përfshir edhe diasporën.

Profili Ekonomik i Komunës së Gjilanit përfshin elemente kyçe për të dhënë një pasqyrë të plotë të situatës ekonomike duke përfshir sektorët e dominueshëm :

- ekonomin lokale (përshkrimi i ndërmarrjeve të mëdha dhe të vogla, si dhe potencialet për rritje të sektorit industrial si dhe zonat ekonomike)
- bujqesin dhe zhvillimin rural (analizimi i sipërfaqes së tokave bujqësore),
- infrastruktura dhe shërbimet (transporti, infrastruktura e komunikimit, energjia, shëndetësia, arsimi, kapacitetet e burimeve njerëzore)
- turizmi dhe potencialet e tjera (potencialet turistike të komunës, si dhe sektoreve të tjera të reja apo inovative)
- tendencat aktuale dhe sfidat (përfshirja e tendencave aktuale në rritjen ekonomike, si dhe identifikimi i sfidave dhe pengesave për zhvillimin e ekonomisë së komunës.

Komuna e Gjilanit ka mobilizuar burimet njerëzore në Hartimi i Strategjisë së Zhvillimit Ekonomik Lokal 2024 – 2031, do të jetë dokument strategjikë ambicioz po ashtu edhe Profili Ekonomik si dokument do të përfshijë të gjitha nevojat, potencialin dhe ecjet në vitet e ardhshme.

REZULTATET E PROFILIT EKONOMIK

Qëllim parësor i profilit ekonomik është modelimi i kapacitetit ekonomik të Komunës së Gjilanit, për të përmirësuar të ardhmen e saj ekonomike në krijimin e kushteve më të mira për të gjitha komunitet të cilat jetojnë dhe veprojnë në Komunën e Gjilanit.

Profili Ekonomik po ashtu edhe Hartimi i Strategjisë së Zhvillimit Ekonomik Lokal 2024 – 2031 janë të bazuara në këto dokumente :

- ✓ Programi Nacional për Zhvillim Ekonomik Lokal 2030
- ✓ Strategjia e Zhvillimit Socio Ekonomik Lokal e Komunës së Gjilanit 2017 – 2021
- ✓ Plani Zhvillimor Komunal (PZHK) i cili është në fazën e aprovimit

Profili Ekonomik të një komune përfshijnë të dhëna mbi :

Buxheti: planet financiare për të ardhmen, duke përfshirë të ardhurat dhe shpenzimet e pritura të komunës.

Zhvillimi Ekonomik: përfshin të gjitha aktivitetet dhe projektet që janë ndërmarrë për të rritur prodhimin ekonomik dhe përmirësuar kushtet e jetesës për banorët.

Përgatitja e studimit të fizibilitetit para zhvillimit të zonës nuk është vetëm një praktikë më e mirë ndërkombëtare e njohur, por edhe një kërkesë ligjore bazuar në Ligjin Nr. 04/L-159 për Zonat Ekonomike | Ministria e Tregtisë dhe Industrisë

Komuna e Gjilanit po ecën mirë në këtë proces, sipërfaqja e ndarë e Zonës Ekonomike prej 146.5 hektarë është lehtësisht e aksesueshme nga se aseti kryesor | Toka është në pronësi komunale dhe komuna e Gjilanit si pronare do ta ketë më të lehtë zhvillimin e kësaj zone ekonomike, pa kosto për shpronësim, kjo e bën edhe më atraktive.

Indikatorët Socio-Ekonomik: përfshijnë nivelin e papunësisë, nivelin e arsimimit, nivelin e jetesës, dhe aspektet tjera të cilat mund të ndikojnë në zhvillimin dhe mirëqenien e banorëve të komunës.

Rezultatet e Profilit Ekonomik janë të rëndësishme për të vlerësuar performancën ekonomike të një komune, për të bërë plane zhvillimore afatgjata dhe për të përcaktuar politikat e nevojshme për rritjen e ekonomisë lokale dhe mirëqenien e banorëve.



Të nderuar qytetarë të komunës!

Është kënaqësi e veçantë për mua si Kryetar i Komunës të ndaj me ju lajmet pozitive lidhur me zhvillimin ekonomik të zonës sonë.

Rëndësia e një profili të fortë ekonomik është thelbësore për tërheqjen e investimeve të reja, të cilat janë jetike për rritjen e punësimit dhe përmirësimin e cilësisë së jetës së të gjithë banorëve.

Një rol të rëndësishëm në këtë proces luan edhe diaspora jonë, e cila përmes investimeve dhe kontributit të saj të çmuar, ka ndihmuar në zhvillimin ekonomik të komunës tonë.

Potenciali i diasporës është i paçmuar dhe ne jemi të përkushtuar për të krijuar kushte të favorshme që tërheqin investime dhe për të lehtësuar bashkëpunimin me bizneset në diasporë.

Gjithashtu, dua të theksoj mbështetjen e fuqishme të Komuniteti Ndërkombëtar dhe Qeverisë së Kosovës në përpjekjet tona për zhvillim ekonomik dhe krijimin e vendeve të reja të punës.

Për më tepër, ne jemi të përkushtuar për të mbështetur bizneset ekzistuese dhe për të krijuar një ambient të favorshëm për ndërmarrjet e vogla dhe të mesme, të cilat janë shtylla kurrizore e ekonomisë sonë lokale.

Investimet e reja, si ato në sektorin e industrisë së lehtë dhe të teknologjisë, janë duke krijuar mundësi të reja punësimi dhe duke kontribuar në zvogëlimin e papunësisë në komunën tonë.

Ne besojmë se me bashkëpunimin dhe përkushtimin e përbashkët, mund të ndërtojmë një të ardhme më të mirë dhe më të begatë për të gjithë.

Ju falënderoj për mbështetjen tuaj dhe jam i bindur se së bashku do të arrijmë suksese të reja.

I juaji,
Alban Hyseni, Kryetar
Komuna e Gjiçanit



map : Komuna e Gjilanit

MISIONI

Misioni i Profilit Ekonomik komunën e Gjilanit është krijimi i një mjedis të favorshëm për zhvillimin ekonomik dhe rritjen e qëndrueshme.

Kryetari i komunës së Gjilanit z. Alban Hyseni dhe Drejtoria për Zhvillim Ekonomik i kanë hapur rrugë këtij procesi | krijimi i një mjedisi tërheqës për investime | Zhvillimi i Zonës Ekonomike është një nga instrumentet kryesore për të mbështetur investimet private në Kosovë.

Ambiciet e tona janë që të ndërtojmë parakushte të mira për ardhje të investimeve në komunën e Gjilanit dhe për zhvillim sa më të shpejtë ekonomik të saj.

Ky mision përfshin përmirësimin e infrastrukturës, promovimin e investimeve, rritjen e aftësive të fuqisë punëtore dhe zhvillimin e sektorëve kyçë të ekonomisë lokale | duke bërë të mundur të tërheqin investime të reja, të mbështesin bizneset ekzistuese dhe të përmirësojnë cilësinë e jetës për qytetarët e Gjilanit.

Ky mision synon të arrijë një zhvillim të balancuar, duke shfrytëzuar resurset lokale në mënyrë të qëndrueshme, të promovojë inovacionin dhe sipërmarrjen dhe të sigurojë një mjedis të mirë për jetesë dhe punë për të gjithë banorët e saj.

Karakteristikat e komunës së Gjilanit në Kosovë

- koordinatat gjeografike : 42°27'53"N 21°28'1"E
- zona kohore : UTC+1 (CET)
- zona kohore verës (DST) : UTC+2 (CEST)
- kodi postar : 60000
- prefiksi : +383 (0) 280
- numri targave të automjeteve : 06
- web faqja : kk.rks-gov.net/gjilan/

DEMOGRAFIA E KOMUNËS SË GJILANIT

Gjilani është qendër e mirëfilltë e regionit të Anamoravës, popullsia e Komunës së Gjilanit, përherë ka qenë e përzier, me dominimin e shqiptarëve gjatë të gjitha sundimeve | jetojnë këto komunitete: Shqiptarë, Serbë, Turq, Romë dhe të tjerë.

Viti 2011 - sipas regjistrimit prill 2011

Agjencia e Statistikave të Kosovës (ASK) është prodhuesja kryesore e statistikave zyrtare në Republikën e Kosovës, përgjegjëse për mbledhjen, përpunimin dhe publikimin e të dhënave, si dhe koordinatore e Sistemit Statistikor të Kosovës.

Komuna e Gjilanit në bazë të regjistrimit të fundit të bërë nga Agjencia e Statistikave të Kosovës (ASK) ka këtë strukturë të popullsisë

Banesat	Ekonomit familjare	Gjithsejtë	Meshkuj	Femra
23,186	17,048	90,178	45,354	44 824
Të dhënat tjera				
Gjithsejë numri i banoreve		Qyteti	Zonat rurale	
90,178		54,239	35,939	

Komuna e Gjilanit ka një moshë të re ku rreth 37% përbëhet nga mosha 0-19, po ashtu vlen të ceket se rreth 27.5% e përbëjnë moshën nga 15-29 vjeç që konsiderohet një potencial i mirë.

Viti 2024 - sipas regjistrimit të fundit prill 2024

Kosova nisi regjistrimin e popullsisë më 5 prill 2024, zyrtarisht me datë 25 maj 2024 ka përfunduar procesi i regjistrimit të popullsisë, ekonomive familjare dhe banesave | Agjencia e Statistikave të Kosovës (ASK) ende nuk e ka bërë publikimin e të dhënave të fundit |

Sipas Agjencisë së Statistikave të Kosovës (ASK), sipas rezultatit preliminar të publikuar | Komuna e Gjilanit ka **82,901 banorë**

FSHATRAT VENDBANIME SIPAS ZONAVE KADASTRLE

Komuna e Gjilanit gjendet në pjesën juglindore të Kosovës, rajoni i Anamoravës, me një sipërfaqe prej 515 km/ ², deri në vitin 2010 kur me procesin e decentralizimit i merren 123 km/ ², Komuna e Gjilanit tani ka 392 km/ ²

- | | |
|------------------------|-------------------|
| 1. Bilinicë | 22. Kmetoc |
| 2. Bresalc | 23. Kravaricë |
| 3. Bukovik-Caparë | 24. Lipovicë |
| 4. Burincë | 25. Llovçë |
| 5. Velekincë | 26. Goden i Vogël |
| 6. Lladovë | 27. Malishevë |
| 7. Llashticë | 28. Muçibabë |
| 8. Vrapçiq | 29. Nasalë |
| 9. Verbicë | 30. Pidiq |
| 10. Gadish | 31. Pogragjë |
| 11. Gjilan | 32. Ponesh |
| 12. Sllakovc i Epërm | 33. Përlepnice |
| 13. Livoq i Epërm | 34. Sllubicë |
| 14. Sllakovc i Ultë | 35. Stançiq |
| 15. Livoq i Ultë | 36. Stublinë |
| 16. Dunav | 37. Uglarë |
| 17. Zhegoc | 38. Cërrnicë |
| 18. Verbicë e Zhegocit | 39. Çelik |
| 19. Zhegër | 40. Shillovë |
| 20. Inatoc | 41. Shurdhan |
| 21. Kishnapolë | 42. Dobërqan |

SHTRIRJA GJEOGRAFIKE

Gjilani daton nga viti 1772 dhe është themeluar nga familja e Gjinajve, e cila që nga viti 1737 ka sunduar një pjesë të Kosovës. Sulltani ka njohur pushtetin e kësaj familje.

Gjinajt erdhën në Gjilan nga qyteti mesjetar i Artanës (Novobërdë), si themelues njihet Bahti Beg Gjinolli.

Gjilani është qendër e mirëfilltë e regjionit të Anamoravës, e cila bashkë me komunat pranë saj, Vitinë, Klllokotin, Parteshin, Novo Brdën, Kamenicën e Ranillukun, por edhe me Preshevën dhe Bujanocin (Kosova Lindore) e tani më afër edhe me Likovën dhe Kumanovën (Maqedonin e Veriut) përbejnë një komunitet prej rreth gjysmë milioni banorësh.

Map | Harta Kosova dhe Regjioni i Gjilanit




Atraktive këtë regjion e bënë Lumi Morava e Binçës buron në Malet e Karadakut në territorin e Maqedonisë në jug të Vitisë e në veri të Shkupit. Dy rrjedha formojnë Përroin e Madh, i cili kur të kalon kufirin njihet si Morava e Binçës | emrin e ka marr nga vendbanimi Binçë.

Lumi Morava e Binçës rrjedh nëpër fushën e Anamoravës nëpër Lladovë, Velekincë, Pisjan, Uglar, Pogradjë e deri te Dobërçani (Mireshti), e deri në ngushticën e Konçulit kalon në Luginën e Preshevës ku pas 49 km gjatësi i bashkohet Morava e Vogël e Preshevës në afërsi të Bujanocit.

Morava e Binçës i takon pellgut të Detit të Zi. Bashkohet me Moravën Perëndimore të cilat bashkohen dhe derdhen në Danub e pastaj në Detin e Zi.

Komuna e Gjilanit është njëra nga komunat që me se shumti është prek nga procesi i decentralizimit në vitin 2010.

Nga viti 2010, Komuna e Gjilanit kufizohet : në juglindje me Preshevën (33km) dhe Kumanovën (malet e Karadakut), në lindje me Bujanovcin (40.5km), në verilindje Kamenicën (29km), në jug ka Vitinë (20km), në perëndim Lipjanin dhe Prishtinën (47km) në verilindje me Novobërdën,(19.5km)



Map | Sot, Regjioni i Gjilanit!

AUTOSTRADA DHE KORIDORET

Pozita gjeografike e Gjilanit mundëson lidhje të mira me qendrat tjera të Kosovës dhe të rajonit, duke qenë edhe një qendër e rëndësishme në trekëndëshin Gjilan-Preshevë-Kumanovë.

- **Lidhja e Komunës së Gjilanit me territorin e Serbisë bëhet përmes :**
 - Rrugës magjistrale Gjilan – Bujanoc - Vranjë nëpër grykën e Konqulit | lidhja me autostradën Beograd – Shkup
 - Lidhja tjetër e komunës sonë me Serbinë bëhet përmes rrugës regjionale Gjilan-Pasjan – Muçibab – Preshevë dhe del në magjistralen Preshevë – Shkup .
- **Lidhja e Komunës së Gjilanit me territorin e Maqedonisë së Veriut bëhet përmes :**
 - Lidhja tjetër e komunës sonë me Maqedoninë e Veriut (Likovën dhe Kumanovën) bëhet përmes rrugës regjionale Gjilan- Zhegër – Stançiq – Kumanovë dhe del në magjistralen Beograd – Athinë | korridori 8 dhe 10



Map | Kosova dhe Korridoret Paneuropiane 8 dhe 10

Tani po punohet me te madhe | **Autostrada R 7.1 / A3** është një autostradë e gjatë 45.9 kilometra në Kosovë që është në ndërtim e sipër | kjo krijon lidhje me kryeqytetin e Kosovës (Prishtinën) nëpërmjet Gjilanit me pikën kufitare Dheu i Bardhë në kufi me Serbinë | si do qoftë, kjo autostradë ka një gjatësi totale prej 47.1 kilometra dhe do të lidhë do të lidhë korridorin 6, 7 dhe 10 | pjesë e në rrjetit TEN-T (Rrjeti Trans-Evropian i Transportit) | infrastruktura e Ballkanit Perëndimor që është pjesë integrale e korridoreve evropiane | që është me rëndësi strategjike.

Këto korridore krijojnë qarkullim të lehtë dhe i shpejtë i njerëzve dhe mallrave në masë të madhe do ta bëjë ndryshimin e ritmit të zhvillimit ekonomik, shoqëror e të gjithmbarshëm të vendeve tona.

Rrugët magjistrale dhe autostradat te rëndësisë se veçantë ne qarkullimin e lire te mallrave dhe njerëzve qe lidhin Komunën e Gjilanit me qendrat tjera dhe shtet tjera e ato janë :

Nr.	Emërtimi i rrugëve	Gjatësia
01.	Rruga Gjilan – Muqibabë – Preshevë (Serbi) dalja ne korridorin 10	33 km
02.	Autostrada Gjilan - Kamenicë – Bujanovc (Serbi) dalja ne korridorin 10	40.5 km
03.	Rruga Gjilan- Zhegër – Stançiq – Kumanovë (Maqedoni) dalja ne korridorin 8	35 km
04.	Rruga Gjilan – Partesh – Viti – Ferizaj dalja ne autostradën R6 korridorin 8 e 10	32 km
05.	Rruga Gjilan - Prishtinë – Aeroport dalja ne autostradën R7 korridorin 8	60 km
06.	Rruga Gjilan - Novobërdën	19.5 km



Foto | Autostrada R6 “Arbër Xhaferi “ dhe lidhja me Korridoret Paneuropiane 8 dhe 10

Hekurudha

Komuna e Gjilanit nuk ka hekurudhë, stacioni më i afërt i trenave është në Ferizaj 33 km larg, kjo nuk e pengon zhvillimin e komunës nga se rruga magjistrale Gjilan – Ferizaj ofron kushte të mira të transportimit të mallrave .

Aeroporti

Aeroporti më i afërt është në Prishtinë rreth 60 km larg nga Gjilani nëse shfrytëzohet magjistralla Gjilan – Prishtinë – Aeroport dhe rreth 50 km nëse shfrytëzohet magjistralla Gjilan – Lipjan – Aeroport , po ashtu ka edhe aeroportin e Shkupit 86 km.

Aeroporte Ndërkombëtar “Adem Jashari” Prishtinë

Aeroporti Ndërkombëtar i Shkupit | Maqedonia e Veriut

Aeroportet kanë lidhje dhe linja të mira me të gjitha shtet si ato në perëndim dhe në lindje, po ashtu aeroporti ndërkombëtar ofron shërbime për pasagjere dhe shërbime #kargo

Rrugët ujore të lundrueshme

Rrugë ujore është Deti Adriatik gjegjësisht porti i Durrësit (320 km) dhe i Shëngjinit (290 km) të cilat ofrojnë shërbime të mira nga se janë porte me ujë të thellë për bartësit e ngarkesave, po ashtu Komuna e Gjilanit është pjesë integrale e rrugës së kombit R7 Autostrada Prishtinë – Tiran – Durrës

Ujërat termo-minerale

Rrethina e Gjilanit është e pasur me xehe (hekur e leucid) dhe me burime minerale (Nasalë, Pidiq, Kmetoc, Uglarë, Përlepnicë).

Klima :

Në regjionin e Gjilanit mbretëron klima e mesme kontinentale, ngase ka një lartësi relative mbidetare prej 410 m. Nuk ka erëra të forta në Fushën e Gjilanit. Rëndom frynë veriu i cili vjen nga verilindja. Kjo erë është e thatë, e ndonjëherë kur vjen me të shiu është i imët dhe i shkurtër. Kjo erë është e ftohtë, gjatë dimrit shpesh sjell borë të imtë.

Mesatarja e temperaturave vjetore për Gjilan është 10.6 °C, temperatura mesatare e muajit më të ftohtë është ajo e janarit -0,9 °C , e muajit më të ngrohtë e korrikut me 20,7 °C

Liqenet artificiale

Komuna e Gjilanit ka dy liqenin e artificiale :

Liqeni Akumulues i Përlepticës

Liqeni Akumulues i i Livoçit

Liqeni Akumulues i Përlepticës është ngritur në vitin 1966 shfrytëzohet edhe për pije edhe për ujitje të 350 hektarëve tokë të punuar. Liqeni akumulues i Përlepticës është formuar në lumin me të njëjtin emër. Vëllimi i ujit të tij është 4.2 milionë m³. Ka një sipërfaqe prej 1.634 km², dhe prurje prej 16.32 m³ ujë në sekond.

Liqeni akumulues i Livoçit, gjendet në lumin e Livoçit dhe është në afërsi të Gjilanit, është qendër e rëndësishme rekreative e banorëve të qytetit dhe e popullsisë përreth. Prapa pendës së betontë, e cila është e lartë 21 metra, është formuar një akumulacion prej 1,6 milion m³ ujë.



Foto : Liqeni akumulues i Livoçit

Organizata Promoting Private Sector Employment | PPSE & Swiss Contact), ka punuar Master planin dhe studimin e Fizibilitetit për zone turistike në liqenin e Livoçit.

STRUKTURA DHE FUNKSIONIMI I KOMUNËS SË GJILANIT

Statuti është akti më i lartë juridik i Komunës, i cili e rregullon organizimin e brendshëm të Komunës së Gjilanit po e përshkruajmë funksionimin e Komunës së Gjilanit.

Organet e komunës janë:


1. Kuvendi i Komunës është organ më i lartë i Komunës dhe
 2. Kryetari i Komunës është organi më i lartë ekzekutiv i komunës.
-

Kuvendi i Komunës është organi më i lartë në komunë, i cili zgjidhet në mënyrë të Drejtpërdrejtë nga qytetarët (ne mandate 4 vjeçar) në pajtim me ligjin për zgjedhjet lokale, Kuvendi i Komunës së Gjilanit ka 35 anëtarë.

Në bazë të nenit 62.1 të LVL, administrata komunale Organizohet në Drejtori ku përfshijnë:

- 1.1. Drejtoria e Administratës së Përgjithshme,
- 1.2. Drejtoria e Shëndetësisë dhe Mirëqenies Sociale,
- 1.3. Drejtoria e Arsimit,
- 1.4. Drejtoria për Buxhet dhe Financa,
- 1.5. Drejtoria për Urbanizëm, Planifikim dhe Mbrojtje të Mjedisit,
- 1.6. Drejtoria për Shërbime Publike, Infrastrukturë dhe Banim,
- 1.7. Drejtoria e Bujqësisë dhe Pylltarisë,
- 1.8. Drejtoria për Gjeodezi, Kadastër dhe Pronë,
- 1.9. Drejtoria për Mbrojtje dhe Shpëtim
- 1.10. Drejtoria për Zhvillim Ekonomik
- 1.11. Drejtoria për Kulturë, Rini dhe Sport
- 1.12. Drejtoria e Inspeksionit.

STRUKTURA ORGANIZATIVE E KOMUNËS SË GJILANIT



Tani më llogaridhënia është shumë transparente duke i përfshirë qytetarët në mënyrë pro aktive në procesin vendimmarrës.

Qeveria Qendrore | Ministria e Financave e mbikëqyr dhe koordinon politikat dhe financat ndërmjet komunave dhe nivelit qendror për të siguruar një zhvillim të balancuar dhe efikas të vendit.

Buxheti 2022-2024

Përshkrimet / emërtimet	2022	2023	2024
Granti i përgjithshëm	9,141,191.00	12,094,194.00	13,505,105.00
Granti i Shëndetësisë	3,167,054.00	3,404,634.00	4,100,244.00
Granti i Arsimit	12,195,590.00	11,866,477.00	14,270,527.00
Të hyrat vetanake	4,470,054.00	4,952,586.00	5,038,508.00
Financimi i Teatrove	101,390.00	101,390.00	274,635.00
Financimi për shërbime rezidenciale		180,000.00	
Totali €	29,075,279.00	32,599,881.00	37,189,018.00

Ndarja buxhetore sipas kategorive 2022 – 2024

Përshkrimet / emërtimet	2022	2023	2024
Pagat dhe mëditjet	16,199,142.00	15,819,573.00	19,773,824.00
Mallra dhe shërbimet	4,727,835.00	6,502,750.00	6,838,311.00
Shpenzimet komunale	576,800.00	646,800.00	675,100.00
Subvencionet	970,000.00	1,195,000.00	1,536,340.00
Shpenzimet kapitale	6,601,502.00	8,435,158.00	8,365,443.00
Totali €	29,075,279.00	32,599,281.00	37,189,018.00

Kufijtë buxhetorë sipas qarkores buxhetore të vitit 2025/2027 të pranuar nga Ministria e Financave e cila është përgjegjëse për menaxhimin e vijave buxhetore

Përshkrimet / emërtimet	2025	2026	2027
Totali €	39,897,580.00	41,940,334.00	43,964,733.00

ARSIMI

Arsimi para fillor, fillor dhe i mesëm është një nga segmentet kyçe, ka pasur një rritje në investime për të siguruar që të gjitha shkollat e nivelit fillor dhe të mesëm kanë infrastrukturën dhe resurset e nevojshme për të ofruar një arsim cilësor.

Po ashtu edhe sa i përket shtrirjes së arsimit fillor dhe të mesëm ofrojnë arsim në gjuhën shqipe, serbe, turke dhe rome pra gjithherë i kemi pasur parasysh komunitetet e ndryshme etnike të cilat jetojnë dhe veprojnë në komunë.

Shkollat fillore dhe mesme 2023/2024 | numri i nxënësve | Komuna e Gjilanit

Përshkrimi	Meshkuj	Femra	Total
Institucionet Parashkollore	371	367	738
Parashkollor (mosha 5 vjet)	502	487	989
Klasa I-V	3069	3051	6120
Klasa VI-IX	2424	2291	4715
Klasa X-XII	1852	1921	3773
Total	8218	8117	16335

Megjithatë, edhe pse ka pasur përparime, ka ende sfida në sistemin arsimor, përfshirë nivelin e ulët të cilësisë së arsimit, Drejtoria e Arsimit po punon ngushtë me të gjithë akteret | duke përfshirë Qeverinë e Kosovës dhe Komunitetin Ndërkombëtarë | për të adresuar këto sfida dhe për të përmirësuar sistemin arsimor në tërësi.

Universiteti

Në Regionin Lindje | Gjilan | funksionon Universiteti Publik “Kadri Zeka” i cili ofron këto programe: Bachelor dhe Master :

Regjioni Lindje | Gjilan | ka edhe Kolegjin UBT presim të fillojë me programet e studimit të fakultetit apo të Shkollës së Mesme të Mjekësisë me dy drejtime : Bashkëpunëtor Profesional i Infermierit dhe Teknik i Laboratorit Mjekësor

SHËNDETËSIA DHE MIRËQENIA SOCIALE

Në përgjithësi, sistemi shëndetësor dhe mirëqenia sociale në Gjilan kanë qenë në një proces të përmirësimit të vazhdueshëm. Komuna por edhe Qeveria ka bërë përpjekje për të rritur aksesin në kujdes shëndetësor dhe për të përmirësuar cilësinë e shërbimeve shëndetësore.

Numri i objekteve shëndetësore në Komunën e Gjilanit

- 1 - Qendra Kryesore e Mjekësisë Familjare (QKMF)
- 12 - Qendra e Mjekësisë Familjare (QMF)
- 9 – Ambulanta në Mjekësinë Familjare (AMF)

Në Komunën e Gjilanit, Qendra Kryesore e Mjekësisë Familjare (QKMF) është institucioni qendror që ofron shërbime shëndetësore bazike për komunitetin lokal.

Qendrat e mjekësisë familjare janë shpesh pikat e parë të kontaktit për pacientët kur ata kanë nevojë për kujdes shëndetësor dhe shpesh përcaktojnë nëse pacientët duhet të drejtohen tek specialiste të tjerë për trajtim të mëtejshëm.

Të punësuar 244 punëtorë (mjek dhe infermier) si dhe 61 ordianca private, po ashtu kemi :

Qendrën për Shëndetin Mendor

Shtëpia për Integrim në Bashkësi

Qendrën për Mbrojtjen e Gruas dhe Fëmijës si dhe

Qendrën e Punëve Sociale

Qendrën e Kujdesit Ditor për Personat e Moshuar (ne proces)

Spitali Regjional i Gjilanit ka 522 punëtorë prej tyre 109 mjeke specialiste, 319 infermier, 94 staf mbështetës: ekonomiste, bio-inxhinier, jurist dhe punëtorë tjerë ndihmës .

Spitali Regjional i Gjilanit funksionon në kuadër të Ministrisë së Shëndetësisë dhe ofron shërbime shëndetësore për nivelin dytësor për popullatën e regjionit të Gjilanit.

Spitali Regjional i Gjilanit ka kapacitet prej 450 shtretërve, 17 reparte : gjinekologjia, interno, dializa, pediatria, kirurgjia, anesteziologjia, ortopedia, urologjia, infektivë, sëmundjet e mushkërive, ndihma e shpejtë - emergjenca, ORL, oftalmologjia, laborator, transfuzioni i gjakut, materniteti etj.

SHERBIMET PUBLIKE DHE INFRASTRUKTURA

Infrastruktura në komunën e Gjilanit përfshin një gamë të gjerë të aspekteve të jetës së përditshme, duke përfshirë:

- rrugët,
- sistemet e ujësjellës dhe kanalizimeve,
- energjinë dhe ndriçimin publik,
- menaxhimin e mbeturinave,
- transportin ndër urban dhe urban
- telekomunikimi dhe
- mirëmbajtja e parqeve dhe hapësirave publike

Të gjitha këto janë thelbësore për funksionimin e qytetit dhe për mirëqenien e banorëve.

Rrugët dhe trotuaret : Komuna e Gjilanit ka një rrjet rrugor të zhvilluar, përfshirë rrugë kryesore që lidhin qytetin me qytete të tjera të Kosovës. Për të përmirësuar qasjen në rrugë dhe për të rritur sigurinë rrugore, vazhdimisht janë duke u bërë investime në ndërtimin dhe përmirësimin e rrugëve.

Është duke u punuar ne vazhdimësi për te përmirësuar gjendjen e rrugëve, tani me nuk ka asnjë lagje duke përfshirë qytetin dhe fshatrat qe nuk është përfshirë ne asfaltimin e rrugëve/ me gjithat ende po investohet dhe punohet ne këtë drejtim

Sistemet e ujësjellës dhe kanalizimeve : është thelbësore për furnizimin me ujë të pijshëm të qytetareve, me sistemin e kanalizimit të ujerave fekale është i mbuluar i gjithë territori i komunës se Gjilanit ne përjashtim viset e thella malore, me menaxhimin e rrjetit te ujësjellësit dhe kanalizimit menaxhon Ndërmarrja Publike “Hidromorava” vlen te ceket se për momentin nuk ka fabrikë te trajtimit te ujerave te zeza, edhe pse kemi fizibilitetin për këtë projekt madhor, po ashtu vlen te ceket se po punohet me Qeverinë e Kosovës dhe Komunitetin ndërkombëtar qe ky projekti te realizohet.

Energjia dhe ndriçimi publik: furnizimin me energji dhe ndriçim publik janë thelbësore për funksionimin e qytetit. Investimet në këtë fushë përfshijnë modernizimin e infrastrukturës së energjisë dhe instalimin e sistemeve të ndriçimit publik të efektshëm dhe të qëndrueshëm.

Në komunën e Gjilanit ekzistojnë 4 TS 35/10 kv : Gjilani I deri Gilani IV dhe Lladova, 24 km lidhje koblloviqe dhe 347 km lidhje ajrore me gjithsejtë 3476 shtylla elektrike dhe 271 trafo stacione 10/0.4 kv, me gjithsejtë 57 MVA fuqi instaluese 35/10(Kv) dhe 51.5 MVA fuqi instaluese Ts 110/35 (KV).

Trafo stacioni i ri “Gjilani V” donacion i ardhur nga Qeveria e Zvicrës përfundimisht Gjilani i ka thanë : lamtumirë territ dhe ngarkesave në trafo stacione në sezonin dimëror.

Menaxhimi i mbeturinave : Deponia Regjionale ndodhet në fshatin Velekicë (5km), menaxhimin e mbeturinave e menaxhon Ndërmarrja publiko-private “Ecohigjeina” ku si aktivitet primare ka grumbullimi, bartjen dhe deponimin e mbeturinave ne komunat ku vepron | komuna e Gjilanit ka Planin Komunal për Menaxhimin e Mbeturinave 2023 – 2027 i cili është ne përputhje me Ministrin e linjës.

Transporti urban dhe ndërrurban: Komuna e Gjilanit ofron shërbime të transportit publik për banorët, duke përfshirë autobusë të rregullt që lidhin qytetin me fshatra të ndryshëm në rrethin e tij, si dhe me qytete të tjera në Kosovë. Këto shërbime janë thelbësore për të lehtësuar lëvizjen e banorëve nëpër qytet dhe përreth tij.

Linjat e autobusëve të transportit urban në komunën e Gjilanit mund të ndryshojnë në varësi të nevojave të komunitetit dhe zhvillimeve të infrastrukturës.

Komuna e Gjilanit ka Planin e Mobiliteti sa i përket transportit urban qe ka për qëllim përmirësimin e shërbimeve | me gjithat nuk është funksionalizuar deri me tani.

Telekomunikimi : Posta dhe Telekom i Kosovës (PTK) si operatori kryesor ofron një gamë të gjerë të shërbimeve, duke përfshirë: Shërbimet postare, duke përfshirë postën standarde, postën ekspres dhe postën për bizneset.

Përveç Postës dhe Telekomit të Kosovës, në Gjilan vepron edhe operatori tjetër i rëndësishëm i telekomunikacionit dhe internetit, IPKO. IPKO ofron një gamë të gjerë të shërbimeve të telekomunikacionit dhe internetit, duke përfshirë telefonia mobile, internetin fibrooptik dhe kabllorë, shërbime televizive dhe shërbime të tjera të internetit.

Ndërmarrja Publike Lokale “ Tregu” Sh.A Gjilan është përgjegjëse për **mirëmbajtjen e parqeve dhe hapësirave publike** | Ndërmarrja “Tregu” deri në fund të muajit Nëntor 2023 numëron rreth 285 punëtorë të cilët janë të angazhuar edhe ne mirëmbajtje tjera.



foto : parku "Baja" Gjiilan

Sipërfaqet e parqeve dhe hapësirave publike | Mirëmbajtja

sipërfaqja e hapësirave të gjelbra publike ne hektar : 12 ha

sipërfaqja e hapësirave publike komunale ne hektar : 161.04 ha

sipërfaqja e hapësirave publike qe mirëmbahen rregullisht : 9,36 ha

numri i përgjithshme i hapësirave publike : 52

numri i hapësirave publike t pajisura me ndriçim publik eshë : 39

BUJËQESIA DHE ZHVILLIMI RURAL

Sektori bujqësor është gjithashtu i rëndësishëm në ekonominë e Gjilanit, me prodhim të kulturave të ndryshme bujqësore dhe bimorë.

Gjilani ka një traditë bujqësore të theksuar, bujqësia është burimi kryesor i të ardhurave për shumë banorë të zonës rurale.

Bujqësia dhe zhvillimi rural janë sektorë thelbësorë për ekonominë lokale, sigurinë ushqimore dhe tërheqjen e investimeve në zonat rurale.

Mbështetja për fermerët nuk po mungon nëpërmjet teknologjisë së avancuar bujqësore, investime në pajisje dhe infrastrukturë bujqësore.

Nga sipërfaqja e përgjithshme e komunës, e cila është 39 071 hektarë, 99,75% është mbulesë tokësore, ndërsa 0,25%, ose 96,5 hektarë është e mbuluar me ujë, 54,1% e tokës përbëhet nga pyje, ndërsa 45,99% është tokë bujqësore. Shumica e pyjeve (61,89%) përbëhen nga pemë halore, 38,11% nga pemë gjetherënëse.

Sipërfaqja e tokës bujqësore në shfrytëzim është 17 969 ha, ndërsa kopsht edhe sera kemi 46 ha.

Numri i ekonomive bujqësore është 4165 ferma, me grurë i kemi 2970 ha, misër 1043 ha, perime 121 ha. Me pemë frutore i kemi 294 ha, prej tyre mollë 126.80 ha, kumbull 74 ha, vishnje 46 ha, dardhë 13 ha, dredhëz 10 ha, dhe mjedër 13 ha.

Sa i përket blegtorisë, aktualisht janë të evidentuara 3874 krerë gjedhe, në 1561 ekonomi bujqësore, 9340 krerë dele në 98 ekonomi bujqësore si dhe 2225 krerë dhi në 143 ekonomi bujqësore. Gjithashtu në komunën e Gjilanit ka pula vojse rreth 234,000 copë, bletë (koshere) 3490 në 157 ekonomi bujqësore, derra rreth 1390 krerë. Po ashtu janë edhe 2 qumështore, 3 thertore 3 ambulanca veterinare dhe 1 fermë sportive.

Bujqësia dhe zhvillimi rural : si objektiv tjetër është avancimi i teknologjisë përpunuese përmes mekanizimit bujqësor duke i subvencionuar fermerët për çdo vit me mekanizëm bujqësor. Subvencionimi i fermerëve me mekanizëm modern bujqësor, ndikon direkt në cilësinë e produkteve të cilat përdorën në industrinë agropërpunuese, e që i ndihmon fermerët t'i rrisin kapacitetet e tyre.

KULTURA DHE TRASHIGIMIA KULTURORE

Komuna e Gjilanit ka 41 xhami dhe 8 kisha ortodokse. (burimi: përfaqësues të bashkësive fetare). Gjithsej 64 objekte të trashëgimisë kulturore (27 arkeologjike dhe 37 arkitekturore) janë përfshirë në listën e vendeve nën mbrojtje të përhershme/përkohshme të Ministrisë së Kulturës Rinisë dhe Sportit

Komuna e Gjilanit, është e pasur me trashëgimi kulturore dhe historike që e bën atë një destinacion tërheqës për turistët.

Për nga aspekti turistik komuna e Gjilanit mund të ndahet në këto lokalitete turistike: Malet e Zhegocit; Malet e Karadakut (ose Malet e Zeza) , Malet e Sllubicës, Lugu i Haxhajve të Zhegrës, Lugu i Bukovikut , Lugu i Burincës , Gryka e Llapushnicës, Shpella e Bresalcit, Shpella e Resulës, Lumi Morava e Binçës, Lumi Mirusha , Liqeni i Livoçit, Uji Mineral i Nasalës, Burimi i ujit në fshatin Pidiq , si dhe Banjat minerale: Banja e Uglarit , Banja e Mireshit, dhe Banja e Dunavit.

Muzeu Etnologjik i Gjilanit: Ky muze është një vend ku mund të studiohet historiku dhe kultura e Gjilanit dhe rajonit përreth | Trashëgimia kulturore në shërbim të zhvillimit të turizmit siç është Muzeu i Qytetit i cili ndryshe njihet si “Objekti i Kajmekamllakut” gjendet në qendër të qytetit | Shkolla e Muzikës, përballë Atik Xhamisë, ky objekt quhej Saraji i Mustafë Pashës;



Diversiteti fetar e kulturor | Komuna e Gjilanit karakterizohet me një diversitet i madh fetar dhe kulturor. Kosova si vend në përgjithësi është i njohur për këtë diversitet, pasi që përfshin një varg komunitetesh fetare dhe etnike të ndryshme.

Popullsia me shumicën u përkasin besimit mysliman, ka një pjesë të popullsisë që janë të krishterë dhe të tjerë.

Në përgjithësi, Gjilani është një shembull i mirë i harmonisë së komuniteteve fetare dhe kulturore në një mjedis urban.

Kalaja e Pogragjës, gjendet në kilometrin e 10 nga qyteti i Gjilanit, në fshatin Pogragjë, krahas kalasë është mjaft atraktive edhe Gryka e Llapushnicës; Fortifikata parahistorike në Cërnice; Kalaja e Mireshit, është monument i trashëgimisë kulturore në Mireshe, Dobërçan, Kalaja e Pidiqit, është monument i trashëgimisë kulturore në Pidiq-Shurdhan, Kalaja e Përlepnices, etj. Atik Xhamia, xhamia e Cernicës, xhamia e Dobërçanit, kisha katolike „Kisha e Shën Anës” në fshatin Dunavë, tyrbet në qytet, kisha e Shën Nikollës, Sahat Kulla.

Pastaj janë Atraksionet Natyrore: Penda e Livoçit, lokaliteti Stublinë, lokaliteti Zhegoc me rrethinë, lokaliteti Stanishor me rrethinë, liqeni i Përlepnices, dhe burimet termale në Uglar dhe Dobërçan.

Në komunën e Gjilanit janë 244 ndërmarrje dhe punëtori hoteliere të cilat iu ofrojnë qytetarëve shërbime të fjetjes, ushqimit, pijeve alkoolike dhe joalkoolike, ahengjeve familjare, banketeve, seminareve, trajnimeve dhe shërbimeve të tjera.

Kultura : Teatri i Qytetit të Gjilanit, Flaka e janarit është një festival kulturor multidimensional, i cili fillon më 11 janar Gjilan dhe me ndezjen simbolike të flakadanit, për të vazhduar deri më 31 janar me aktivitete të ndryshme kulturore.

Monumentet historike : Varrezat e Dëshmorëve është një vend i rëndësishëm historik dhe memorial i cili i kushtohet dëshmorëve të qytetit të Gjilanit që sakrifikuan jetën për lirinë dhe pavarësinë e Kosovës.

ZHVILLIMI EKONOMIK LOKAL

Gjilani duhet të njihet për vlerat që i ka | ka ardhur koha të mendojmë parimisht por edhe krijojmë strategji të qëndrueshme, sepse bazuar në Ligjin nr. 03/L-40 për Vetëqeverisje Lokale, komunat kanë kompetenca të plota në Zhvillimin Ekonomik Lokal.

Dikur | Sektori shoqëror : është përballur me shumë probleme për shkak të humbjeve të mëdha gjatë periudhës së okupimit (në dekadën e fundit të shekullit XX), por gjithashtu edhe për shkak të transformimit ekonomik pas luftës në Kosovë, pra pas vitit 1999.

Pengesat kryesore janë: mungesa e kapitalit qarkullues, sigurimi i lëndës së parë, mungesa e investimeve, humbja e tregjeve, etj.

Shpresa e vetme për sektorin shoqëror të ekonomisë ishte privatizimi i ndërmarrjeve, tani ky proces është në përfundim dhe sipër dhe po menaxhohet nga Agjencia Kosovare e Privatizimit, <http://www.pak-ks.org>

Sot | Sektori privat : në Gjilan daton kryesisht nga fundi i viteve të tetëdhjeta (1989), duke u zhvilluar intensivisht pas përfundimit të luftës nga qershori i vitit 1999.

Gjate vitit 2010, Hapet Qendra Komunale për Regjistrim të Bizneseve (QKRB) në Gjilan, që ka lehtësuar afaristët e këtushëm | më nuk kanë më nevojë të shkojnë në Prishtinë | Decentralizimi i kompetencës për Regjistrim të Bizneseve ka pas reflektim shumë pozitiv të komuniteti i biznesit.

Sipas raportit të Qendra Komunale për Regjistrim të Bizneseve (QKRB) në Gjilan për vitin 2023 kemi këto të dhëna :

- ✓ 72 – numri i bizneseve prodhuese të regjistruara
- ✓ 124 - numri i bizneseve tregtare të regjistruara
- ✓ 385 - numri i bizneseve shërbyese të regjistruara
- ✓ 32 - numri i bizneseve ndërtimore të regjistruara
- ✓ 613 - numri i bizneseve të regjistruara
- ✓ 124 – numri i bizneseve të shuara
- ✓ 1073 – punëtorëve që kanë deklaruar gjatë regjistrimit

Sot, ekzistojnë afër 3000 ndërmarrje që janë të regjistruara, më shumë se 75% e ndërmarrjeve private të regjistruara janë të angazhuara në Aktivitete Tregtare e Shërbyese, duke punësuar më shumë se 63% të numrit total të punësuarve në sektorin privat.

Vetëm 10.5% e ndërmarrjeve janë të angazhuara në krijimin e vlerës së re – në prodhim, dhe kemi trend në rritje | rritje kemi edhe në Sektorin e Ndërtimtarisë | për dallim nga viti paraprak | në sektorin e Ndërtimtarisë kemi rritje të bizneseve aktive për 8%

Zhvillimi i sektorit privat është promovuar si një motor kryesor i rritjes ekonomike, ka pasur ngritje të ndërmarrjeve të vogla dhe të mesme në sektorë të ndryshëm, duke kontribuar në krijimin e vendeve të punës dhe në rritjen e prodhimit lokal.

Ekonomia lokale e Gjilanit përfshin një gamë të gjerë sektorësh dhe aktiviteteve ekonomike. Disa prej sektorëve kryesorë në ekonominë e Gjilanit përfshijnë:

1. **Industria e ushqimit** : Gjilani ka një sektor të zhvilluar të prodhimit të ushqimeve, duke përfshirë prodhimin e produkteve bujqësore dhe ushqimore.
2. **Industria e prodhimit të radiatorëve** : njohur si Jugoterm, fabrika e radiatorëve “Enrad” ka afro 40 vite përvojë dhe është një nga prodhuesit kryesorë të radiatorëve panel dhe gypor në Kosovë dhe në rajon.
3. **Tregtia dhe shërbimet**: Gjilani ka një aktivitet të zhvilluar tregtar dhe sektor shërbimesh, duke përfshirë biznese të ndryshme si restorante, hotele, dhe shërbime të tjera të konsumit.
4. **Industria e ndërtimit**: Ndërtimi është një sektor që ka rritur rëndësinë në vitet e fundit, me zhvillime të reja të objekteve të banimit dhe infrastrukturës.

TË DHËNA TJERA:

Studimi i Fizibilitetit për Zonën Ekonomike – Livoq | sipërfaqja e ndarë e Zonës Ekonomike prej 146.5 hektarë është lehtësisht e aksesueshme nga se aseti kryesor | Toka është në pronësi komunale dhe komuna e Gjilanit si pronare do ta ketë më të lehtë zhvillimin e kësaj zone ekonomike, pa kosto për shpronësim, kjo e bën edhe më atraktive.

Dhënia e tokës në shfrytëzim afatgjatë | 99 vite | Komuna e Gjilanit i ka dhënë në shfrytëzim për 99 vjet kompanisë “Albimi LTD” | Fabrika e kompanisë “Albimi LTD” pritet të ndërtohet në këtë zonë, ku do të bëhet dizajnimi, montimi i biçikletave.

Gjilani - Qender Rajonale | Gjilani është përzgjedhur si qendër rajonale për shkak të faktorëve të mëposhtëm:

1. **Pozita Gjeografike:** Pozicioni i tij strategjik në rajon e bën një qendër të përshtatshme dhe të qasueshme për qytetarët dhe autoritetet rajonale.
2. **Pozita Administrative:** Ka funksionuar si qendër administrative për një gamë të gjerë shërbimesh publike dhe private që shërbejnë rajonin përreth, duke përfshirë :
 - ✓ Agjencia e Punësimit e Republikës së Kosovë
 - ✓ Qendra për Aftësim Profesional
 - ✓ Administrata Tatimore e Kosovës
 - ✓ Agjencia e Statistikave të Kosovës
 - ✓ Agjencia e Ushqimit dhe Veterinarisë së Kosovës
 - ✓ Agjencioni për Zhvillim Rajonal (AZHR)
 - ✓ Agjencia e Pyjeve të Kosovës
 - ✓ Oda Ekonomike

Agjencia e Punësimit e Republikës së Kosovës | Njësia në Gjilan

Tregu i Punës - Papunësia komunën e Gjilanit, si në shumicën e rajoneve të Kosovës, është një çështje e rëndësishme dhe komplekse!

Komuna e Gjilanit - Të dhënat e pranuar nga Qendra Rajonale e Punësimit :

- 1094 - sipasë sitemit janë aktiv
- 6146 - sipasë sitemit janë pasivë
- **7241 - Totali**

Qendrën për Aftësim Profesional (QAP Gjilan)

Drejtoria për Zhvillim Ekonomik bashkëpunon ngushtë me **Qendrën për Aftësim Profesional (QAP Gjilan)** është institucion në kuadër të Agjencia e Punësimit e Republikës së Kosovës dhe i Akredituar nga Autoriteti i Kualifikimeve.

Qendrën për Aftësim Profesional (QAP Gjilan) këtë vit janë Akredituar nga Autoriteti i Kualifikimeve këto profesione :

- metal punës
- saldim dhe
- zdrukthëtar

Qendra të Aftësimit Profesional në Gjilan ofron : Trajnimi institucional në Qendrat e Aftësimit Profesional dhe Trajnimi i kombinuar (QAP dhe Kompani/sektori privat).

Kohëzgjatja e trajnimit është 3-6 muaj, kandidati i nënshtrohet testit pas çdo moduli që zhvillohet si dhe testin përfundimtarë dhe pas trajnimit merr certifikatë mbi kompetencat e marra dhe me rëndësishmja është se trajnimet janë 30% teori dhe 70% praktikë.

Drejtoria për Zhvillim Ekonomik i ka hapur rrugë secilit aktivitet që ndikon në rritjen dhe qëndrueshmërinë ekonomike, e gjitha me koordinim të plot me komunitetin e biznesit!

Komuna e Gjilanit / Drejtoria për Zhvillim Ekonomik edhe gjate vitit 2024 ka ndare buxhet për fazën e dytë / Bizneset Start-up dhe Biznese në Pronësi të Grave Ndërmarrëse për mundësin e përfitimit të granteve nga :

“Fondi për Subvencionimin e Bizneseve Start-up dhe Bizneset e Grave Ndërmarrëse 2024”

Projekti i fazës së dytë është në realizim dhe sipër, sa për njoftim kjo është e para herë për këto 25 vite pas lufte që komuna ndanë buxhet për realizimin e këtyre projekteve të cilat e ndihmojnë zhvillimin e biznesit / i kemi hapur rrugë ideve dhe iniciativave të reja!

Ambicjet e tona janë që të ndërtojmë parakushte të mira për ardhje të investimeve në komunën e Gjilanit dhe për zhvillim sa më të shpejtë ekonomik të saj.

KONTAKTET

Përshkrimi i institucionit	Kontakti
Kryetari i Komunës	0280 320 781
Fax	0280 320 784
Sekretaria e Kuvendit	0280 321 482
Drejtoria e Administratës	0280 324 257
Centrali	0280 326 428
Drejtoria e Financave	0280 324 219
Financat	0280 324 729
Tatimi në Pronë	0280 320 217
Drejtoria Kadastrës	0280 320 142
Drejtoria e Zhvillimit Ekonomik	0280 320 365
Drejtoria e Shërbimeve Publike	0280 324 065
Drejtoria e Bujqësisë dhe Pylltarisë	0280 324 213
Drejtoria për Mbrojtje dhe Shpëtim	0280 320 587
Kultura, Rinia, Sporti	0280 321 725
Drejtoria e Arsimit	0280 323 458
Drejtoria e Shëndetësisë	0280 323 603
Drejtoria e Urbanizmit	0280 320 065
Spektori për Urbanizëm	0280 320 065
Spektori i Planifikimit	0280 322 686
Prokurimi	0280 326 020
Zyra për Informim	0280 321 486

REZYME

Profili Ekonomik i Komunës së Gjilanit i hartuar bazuar ne modelin e pranuar Ministria e Administrimit të Pushtetit Lokal si dokument informativ, i cili ka për qëllim të tërheq vëmendjen e investitorëve do te jetë :

- Le te jete hap në këtë udhëtim të ri me besim dhe entuziazëm, duke përqafuar mundësitë dhe sfidat që do të paraqiten.

Ne besojmë fort se përkushtimi dhe bashkëpunimi ynë i vazhdueshëm do të ndihmojnë në transformimin e vizionit tonë në realitet, duke e bërë komunën tonë një model të zhvillimit dhe përparimit.

Urime për çdo hap të ri dhe për çdo arritje të ardhshme!

*Profili Ekonomik është punuar nga :
Drejtoria për Zhvillim Ekonomik
Enver Shabani, drejtor
Fadil Osmani, Zyrtar për provimin e investimeve*